

全上古三代秦漢三國六朝文

全晉文卷九十四

烏程嚴可均校輯

潘尼

尼字正叔。岳從子。漢尚書右丞助孫。太康中舉秀才爲太常博士。歷高陵令。淮南王允鎮東參軍。元康初拜太子舍人。除宛令。入補尚書郎。轉著作郎。趙王倫篡位。引疾去。齊王冏引爲參軍。封爲安昌公。歷黃門侍郎。散騎常侍。中祕書監。永興末爲中書令。永嘉中遷太常卿。有集十卷。

苦雨賦

氣觸石而結蒸兮。雲膚合而仰浮。雨紛射而下注兮。潦波湧而橫流。豈信祠之云多。乃踰月而成霖。瞻中塘之沾汙。聽長雷之岑岑。始濛濛而徐墜。終滂霈而難禁。悲列宿之匿景。悼太陽之幽沈。雲暫披而驟合。雨乍息而亟零。且澼澼以達暮。夜淋淋以極明。龍巖

游于門閭蛙蝦嬉乎中庭懼二源之并合畏黔首之為魚處者含

悴初學記于窮巷行者歎息于長衢藝文類聚二

收絳蠅于漢陰初學記霽晴

惡道賦藝文類聚作西道賦

異山河之岨阨倦關谷之盤紆車低徊于潛軌馬佗倏于險塗狗

肘還句羊角互戾兔窟連投十數億計石子之澗坎埒之穴支體

為之危竦形骸為之疲曳此亦行者之艱難羈旅之困斃若其名

坂則羊羹八特成泉黃馬迴波激浪飛沙飄瓦馬則頓顛狼傷虺

頽玄黃牛則體疲力竭損食喪膚蹢躅穿嶺摩體脫軀藝文類聚

書鈔一百五十七

道深地狹坂峭軌長輪輿顛覆人馬什儼初學記

反轆倒駕閑戲從莊觸壁屈軸詰坑低昂北堂書鈔一百四十一

懷退賦

伊疇昔之懷憤思天飛曰遠迹望循塗而投軌迴翔風曰理翮翼  
雲霧之可憑希天路之開闢何時願之多違奄就羈曰服役困吳  
坂之峻阻畏鹽車之嚴筴嗟遊處之弗遇奚慘怛之難任背宇宙  
之寥廓羅網罟之重深常屏氣曰斂迹焉遊豫曰娛心傅釋板曰  
亮殷望投竿而相姬窮獨善曰全質達兼利曰濟時昨安志于柱  
史由抗迹于嵩箕理殊塗而同歸雖百慮其何思敢因虛曰託談  
遂逡巡而造辭

蘇文類聚二十六

豈通世之獨立兮庶北門之在茲歸幽巖之潛穴兮託峻岳之崇

基

北堂書鈔一百五十八

東武館賦并序

東武館者蓋東武陽侯之館也俄而遷居謂余曰吾將老焉故有  
終焉之志而無移易之意子且爲我賦之

蘇文類聚六十三御覽一百九十四

嘉大雅之洪操美明哲之保身懲都邑之迫險履里巷之賢塵某

古公之胥宇，羨孟氏之審鄰。將遷居于爽塏，乃投迹于里仁。前則  
行旅四涉，通衢交會。水泛輕舟，陸方羽蓋。後則崇山崔嵬，茂林幽  
藹。彌望遠覽，混濛夷秦。表裏山河，出入襟帶。若乃潛流有注，飛渠  
脉散。芙蓉映渚，靈芝蔽岸。于是逍遙靈沼，遊豫華林。彎弓撫彈，娛  
志蕩心。括不空縱，綸不苟沈。遊鱗雙躍，落羽相尋。膳夫進俎，虞人  
獻鮮。春醴九醞，嘉豆百籩。隨波沂流，乍往乍旋。藝文類聚卷八十六  
六十三  
飛甘瓜于浚水，投素柰于青渠。藝文類聚卷八十六  
六十三  
釣賦

抗余志于浮雲，樂余身于蓬廬。尋涓濱之遠迹，且游釣以自娛。左  
援修竹，右縱飛綸。金鉤厲距，甘餌垂芬。眾鯢奔涌，游鱗橫集。觸餌  
見擒，值鉤被執。長繳繽紛，輕竿翕翕。雲往鸢馳，光飛電入。曜靈未  
及驚策，蓋已獲其數十。且夫燔炙之鮮，煎熬之味。百品千變，殊芳  
異氣。隨心適好，不可勝記。乃命宰夫，膾此潛鯉。名工習巧，飛刀逞

技、電剖星流、芒散縷解、隨風離筭、連翩雪累、西戎之蒜、南夷之薑、  
酸鹹調適、齊和有方、紅麴之飯、採日菰梁、五味道洽、餘氣芬芳、和  
神安體、易思難忘、藝文類聚六十六卷鈔一百四十二引三條一  
百四十四又一、一百四十五引三條、初學記二十

又九百七十七

火賦

覽天人之至周、嘉火德之爲貴、含太陽之靈輝、體清剛之正氣、先  
聖仰觀、通神悟靈、窮神盡數、研幾至精、形生于未兆、聲發于無象、  
尋之不得其根、聽之不聞其響、來則其見其迹、去則不知其往、似  
大道之未離、而元氣之灝蕩、故能博瞻羣生、資育萬類、威而不暴、  
施而不費、其變無方、其用不匱、鑽燧造火、陶冶羣形、協和五味、革  
變癰腥、酒醴烹飪、于斯獲成、爾乃狄牙典膳、百品既陳、和羹醑醑、  
旨酒濃醇、烹鼈煮鼈、灼龜雁鱗、若乃流金化石、鑠鐵融銅、造製戎  
器、弓戒不恭、砥鍊兵械、整飭軍容、四海寧乂、邊境無寇、韜弓戢劍、

解甲釋冑銷鏑爲耒鑄戈爲耨戰士反于耕農戎馬放于外廐及至焚野燎原挺光赫戲林木摧拉砂礫煎糜騰光絕覽雲散霓披遂乃衝風激揚炎光奔逸玄煙四合雲蒸霧萃山林爲之崩弛川澤爲之涌沸去若風驅疾如電逝紛紛紆轉倏忽橫厲蕭條長空野無孑遺無隰不灰無垌不斃震響達乎八冥流光燭乎四裔榛蕪旣除九野謐清蕩枝瘁于凜秋候來春而改生其揚聲發怒則雷霆之威也明照遠鑒則日月之暉也甄陶品物則造化之制也濟育羣生則天地之惠也是以上聖擬火曰制禮鄭僑據猛曰立政功用關乎古今勳績著乎百姓魏文類聚八十五初學記二十五若夫名刀寶劍曠世絕殊鍊質于昆吾之竈定形于薛燭之鑪北書鈔一百二十二引兩條皆作火賦張溥本作武庫賦非

琉璃碗賦

覽方貞之彼珍瑋茲碗之獨奇濟流沙之絕險越蔥嶺之峻危其

由來也阻遠其所託也幽深據重巒之億似臨洪溪之萬尋接玉  
樹與瓊瑤鄰沙棠與碧林瞻閭風之崔嵬顧玄圃之蕭參于是遊  
西極望大蒙歷鍾山闕燭龍覲王母訪仙童取琉璃之攸華詔曠  
世之良工纂玄儀旨取象準三光旨定容光映日縱圓成月盈纖  
瑕罔麗飛塵靡停灼爍芳燭表裏相形凝霜不足方其潔澄水不  
能喻其清剛堅金石勁勵瓊玉磨之不磷涅之不濁舉茲琬琰魏文類聚  
賓榮密坐之曲宴流景炯晃曰內澈清醴瑤琰而外見七十三又

四十

### 瑤琬琰賦

有瑤琬之奇寶亦同旅于介蟲下法川曰矩夷上擬乾而規隆或  
步趾于清源或掉尾于泥中隨陰陽曰潛躍與龜龍乎齊風包神  
藏智備體兼才高下斯處水陸皆能文若綺波背負蓬萊爾乃遐  
夷效珍越裳貢職橫海萬里踰嶺千億挺璞荒巖摘藻辰極光曜



炫晃昭爛煥絕嘉斯寶之兼美料眾珍而靡對文不煩于錯縷采  
不假乎藻績豈翡翠之足儷胡犀象之能逮蘇文類聚八十四

扇賦

夫器有輕麗用有疏密安取曰方為體五明曰圓為質或託形于  
竹素或取固于膠漆至若羽扇靡彫靡刻方圓不應于規矩裁制  
不由于繩墨始顯用于荒蠻終表奇于上國北堂書鈔一百三十四引三條

案初學記二十七御覽九百九十六有潘尼秋菊賦今編入潘岳集

安后櫺賦并序

安后櫺者天下之奇樹九州之名菓是曰屬文之士或敘而賦之  
蓋感時而騁思觀物而興辭

余遷舊宇爰造新居前臨曠澤卻背清渠實有斯樹植于堂隅華  
實竝麗滋味亦殊可曰樂志可曰充虛朱芳赫奕紅萼參差含其  
吐秀乍含乍披遙而望之煥若隨珠耀重川詳而察之灼若列宿

出雲間洲涯二后漢川遊女攜類命疇道遙避暑託斯樹曰棲遲  
遡祥風而容與爾乃擢纖手兮舒皓腕羅袖靡兮流芳散披綠葉  
于脩條綴朱華兮弱幹豈金翠之足珍實茲葩之可徵商秋授氣  
收華斂實千房同蒂十子如一繽紛扁落垂老曜質已上四句從初學記二十

八補滋味浸液馨香流溢

載文類聚八十六

### 桑樹賦

從明儲曰省膳憩便房曰偃息觀茲樹之特偉感先皇之攸植蔚  
蕭森曰四射邀洪備而端直爾乃徘徊周覽俯仰逍遙俛睨靈根  
上眺修條洞芳泉于九壤含溢露于清霄倚增城之飛觀拂綺窗  
之疏寮下迢遞曰極望上扶疏而參差匪眾烏之攸萃相皇鸞之  
羽儀理有微而至顯道有隱而應期豈皇晉之貞瑞兆先見而啟  
茲起尋抱于纖毫崇萬匱于始基藝文類聚八十八

### 芙蓉賦

或擢莖曰高立似彫輦之翠蓋或委波而布體疑連璧之攢會

九百九十九

朝菌賦序

朝菌者蓋朝華而暮落世謂之木槿或謂之曰及詩人曰為舜華

宣尼曰為朝菌其物向晨而結建明而布見陽而威終日而殞不

曰其異乎何名之多也

藝文類聚八十九文選陸機歎逝賦注

鼈賦

并序

皇太子遊于玄圃遂命釣魚有得鼈而戲之者令侍臣賦之

翩銜鉤曰振掉吁駭人而可惡既頓墜于巖岸方盤跚而雅步或

延首曰鶴顧或頓足而應距或曳尾于泥中或縮頭于殼裏若乃

秋水暴駭百川沸流有東海之巨鼈乃負山而吞舟

藝文類聚九十六

答傅咸詩序

司徒左長史傅長虞曾定九品左長史宜得其才屈為此職此職

執天下清議宰割百國而長虞性直而行或有不堪余與之親作詩目規焉文類聚三十一

贈二李郎詩序

元康六年尚書吏部郎汝南李光彥遷汲郡太守都亭侯江夏李茂曾遷平陽太守此二子皆弱冠知名歷職顯要旬月之間繼踵名郡離儉劇之勤就放曠之逸枕鳴琴目俟遠致離別之際各斐然賦詩御覽二百五十九

七月七日玄圃園詩序

七月七日皇太子會于玄圃園有令賦詩初學記十

釋奠頌

元康元年冬十二月上召皇太子富于春秋而人道之始莫先于孝悌初命講孝經于崇政殿實應天縱生知之量微言與義發自聖間業終而體達至三年春閏月將有事于上庠釋奠于先師禮

也越二十四日景申侍祠者既齊與駕次于太學太傅在前少傅  
在後恂恂乎弘保訓之道宮臣畢從三率備衛濟濟乎肅翼贊之  
敬乃埽壇爲殿懸幕爲宮夫子位于西序顏回侍于北牖宗伯掌  
禮司儀辨位二學儒官搢紳先生之徒垂纓佩玉規行矩步者皆  
端委而陪于堂下曰待執事之命設樽篚于兩楹之間陳饔飧于  
阼階之左几筵既布鍾懸既列我后乃躬拜俯之勤資在三之義  
謙光之美彌劬闕里之教克崇穆穆焉邕邕焉真先王之徽典不  
刊之美業允不可替已于是牲饋之事既終享獻之禮已畢釋玄  
衣御春服弛齋禁反故式天子乃命內外郡司百辟卿士蕃王三  
事至于學徒國子咸來觀禮我后皆延而與之燕金石蕭管之音  
八佾六代之舞鏗鏘闐闐般辟俛仰可曰徵神滌欲移風易俗者  
罔不畢奏抑淫哇屏鄭衛遠佞邪釋巧辯是日也人無愚智路無  
遠邇離鄉越國扶老攜幼不期而俱萃皆延頸目視傾耳目聽希

道慕業洗心革志想沫泗之風歌來蘇之惠然後知居室之善著  
應乎千里之外不言之化洋溢于九有之內於熙平告典固皇代  
之壯觀萬載之一會也尼青忝禮官嘗聞俎豆今廟末列親觀咸  
美泚瀆微猷沐浴芳潤不知手舞口詠切作頌一篇義近辭陋不  
足測盛德之形容光聖明之遐度其辭曰

三元

藝文類聚  
作三光

迭運五德代微黃精既亢素靈乃暉有皇承天造

我晉歲祚曰大寶登曰龍飛宣基誕命景熙遐緒三分自文受終  
惟武席卷要變蕩定荒阻道濟羣生化流率土後帝承哉不隆曾  
構奄有萬方光宅宇宙篤生上嗣繼期挺秀聖敬日躋溶哲閎茂  
畱精儒術敦闕初學記  
作敦悅古訓尊道讓齒降心下問鋪曰金聲光曰  
玉潤如日之升如乾之運乃延台保乃命學臣聖容穆穆侍請閭  
閭抽演微言啟發道真探幽窮蹟溫故知新講業既終精義既研  
崇聖重師十日告奠陳其三牢引其四縣既戒既式乃盥乃薦恂

恂孔聖百王攸希。暨暨顏生好學無違。日皇儲后體神合機兆吉。  
先見知來洞微。濟濟二宮藹藹庶寮。俊乂鱗萃髦士盈朝。如彼和  
肆。莫匪瓊瑤。如彼儀鳳。樂我雲韶。瓊瑤誰剖。四門洞開。雲韶奚樂。  
神人允諧。蟬冕耀庭。細珮振階。德曰謙光。仁曰恩懷。我酒惟清。我  
肴惟馨。舞已六代。歌已九成。莘莘胄子。祁祁學生。洗心自百。觀國  
之榮。學猶薛苗。化若偃草。博我曰文。弘我曰道。萬邦蟬蛻。矧乃俊  
造。鑽蚌瑩珠。剖石摘藻。絲匪玄黃。水罔方圓。引之斯流。染之斯鮮。  
若金受範。若璲在甄。上好如雲。下效如川。昔在周興。王化之始。曰  
文曰武。時維世子。今我皇儲。濟聖通理。緝熙重光。於穆不已。於穆  
伊何。思文哲后。媚茲一人。實副元首。孝洽家邦。光照有九。純嘏自  
晉。永世昌阜。微微下臣。過充近侍。猥躡風雲。鸞龍是廁。身澡芳流。  
目玩盛事。竭誠作頌。祇詠聖志。

晉書潘尼傳又略見藝文類聚  
三十八又初學記十四引兩條

芒芒在昔悠悠結繩太樸未散玄化雷凝羲皇繼踵三代相承五  
德更王文質迭興天命匪謬祐謙輔信乃眷我皇光有大晉應期  
納祚天人是順和氣四充惠澤有潤神祇告祥四靈效質遊龍升  
雲儀鳳翳日甘露晨流醴泉湧溢華夏既寧八荒靜謐人亦有言  
吾何已休乃延卿士從皇已遊長筵遠布廣幕四周嘉肴惟芳旨  
酒思柔巖巖峻岳湯湯玄流翔鳥鼓翼游魚載浮明明天子肅肅  
庶官文士濟濟武夫桓桓講藝華林肆射後園威儀既具弓矢斯  
閑恂恂謙德穆穆聖顏賜曰宴飲詔曰話言黍稷既登貨財既豐  
仁風潛運皇化彌隆征夫釋甲戰士罷戎遐夷慕義絕域望風無  
或慢易在始慮終無或安逸在盈思冲或文類聚口口口  
鼓腹巖穴擊壤路隅藉頌洪德擬迹羣儒初學記二十四  
北堂書鈔一百五十八



賜進士出身三品銜廣東等處提刑按察使司按察使兼管驛傳事務黃岡王毓藻校刊

全晉文卷九十五

烏程嚴可均校輯

潘尼

安身論

蓋崇德莫大乎安身。安身莫尚乎存正。存正莫重乎無私。無私莫深乎寡欲。是曰君子安其身而後動。易其心而後語。定其交而後求。篤其志而後行。然則動者吉凶之端也。語者榮辱之主也。求者利病之幾也。行者安危之決也。故君子不妄動也。動必適其道。不徒語也。語必經于理。不苟求也。求必造于義。不虛行也。行必由于正。夫然用能免或擊之凶。享自天之祐。故身不安則殆。言不從則悖。藝文類聚交不審則惑。行不篤則危。四者行乎中。則惠憂接于外矣。憂患之接。必生于自私。而興于有欲。自私者不能成其私。有欲者不能濟其欲。理之至也。欲苟不濟。能無爭乎。私苟不從。能無

惠當作患

全晉文卷九十五

卷九十五

伐乎。人人自私。家家有欲。眾欲並爭。羣私交伐。爭則亂之萌也。伐則怨之府也。怨亂既構。危害及之。得不懼乎。然棄本要末之徒。戀進忘退之士。莫不飾才銳智。抽鋒擢穎。傾側平勢。利之交。馳騁乎當塗之務。朝有彈冠之朋。野有結綬之友。黨與熾于前。榮名扇其後。握權則赴者鱗集。失寵則散者瓦解。求利則託劬顛之權。爭路則構刻骨之隙。于是浮僞波騰。曲辯雲沸。寒暑殊聲。朝夕異價。鴛蹇希奔放之迹。鋤刀競一割之用。至于愛惡相攻。與奪交戰。誹謗噂噓。毀譽縱橫。君子務能。小人伐技。風頽于上。俗弊于下。禍結而恨爭也。不彊。患至而悔伐之未辨。大者傾國喪家。次則覆身滅祀。其故何邪。豈不始于私欲而終于爭伐哉。君子則不然。知自私之害公也。故後外其身。知有欲之傷德也。故遠絕榮利。知爭競之遭災也。故犯而不校。知好伐之招怨也。故有功而不德。安身而不爲私。故身正而私全。慎言而不適欲。故言濟而欲從。定交而不求益。

故交立而益厚。謹行而不求名。故行成而名美。止則立乎無私之域。行則出乎不爭之塗。必將通天下之理。而濟萬物之性。天下猶我。故與天下同其欲。已猶萬物。故與萬物同其利。夫能保其安者。非謂崇生生之厚。而耽逸豫之樂也。不忘危而已。有期進者。非謂窮貴寵之榮。而藉名位之重也。不忘退而已。存其治者。非謂嚴刑政之威。而明司察之禁也。不忘亂而已。故寢蓬室。隱陋巷。披短褐。茹藜藿。環堵而居。易衣而出。苟存乎道。非不安也。雖坐華殿。載文軒。服黼黻。御方丈。重門而處。成列而行。不得與之齊榮。用天時。分地利。甘布衣。安藪澤。沾體塗足。耕而後食。苟崇乎德。非不進也。雖居高位。饗重祿。執權衡。握機祕。功蓋當時。勢侔人主。不得與之比逸。遺意慮。沒才智。忘肝膽。棄形器。貌若無能。志若不及。苟正乎心。非不治也。雖繁計策。廣術藝。審刑名。峻法制。文辯流離。議論絕世。不得與爭功。故安也者。安乎道者也。進也者。進乎德者也。治也者。

治平心者也。未有安身而不能保國家進德而不能處富貴治心而不能治萬物者也。然思危所已求安慮退所已能進懼亂所已保治戒亡所已獲存也。若乃弱志虛心曠神遠致徒倚乎不拔之根浮遊乎無垠之外不自貴于物而物宗焉不自重于人而人敬焉可親而不可慢也可尊而不可遠也親之如不足天下莫之能狎也舉之如易勝而當世莫之能困也達則濟其道而不榮也窮則善其身而不悶也用則立于上而非爭也舍則藏于下而非讓也夫榮之所不能動者則辱之所不能加也利之所不能勸者則害之所不能嬰也譽之所不能益者則毀之所不能損也今之學者誠能釋自私之心塞有欲之求杜交爭之原去矜伐之態動則行乎至通之路靜則入乎大順之門泰則翔乎寥廓之宇否則淪乎渾冥之泉邪氣不能干其度外物不能擾其神哀樂不能盪其守死生不能易其真而己造化爲工匠天地爲陶鈞名位爲糟

柏勢利爲埃塵治其內而不飾其外求諸已而不假諸人忠肅  
已奉上愛敬已事親可已御一體可已牧萬民可已處富貴可  
已居賤貧經感衰而不改則庶幾乎能安身矣

晉書潘尼傳又略見藝文類聚二十

乘輿箴

并序

易稱有天地然後有人倫有父子然後有君臣傳曰大者天地其  
次君臣然君臣父子之道天地人倫之本未有已先之者也故天  
生蒸人而樹之君使司牧之將已導羣生之性而理萬物之情豈  
已寵一人之身極無量之欲如斯而已哉夫古之爲君者無欲而  
至公故有茅茨土階之儉而後之爲君有欲而自利故有瑤臺瓊  
室之侈無欲者天下共推之有欲者天下共爭之推之之極雖禪  
代猶脫屣爭之之極雖劫殺而不避故曰天下非一人之天下乃  
天下之天下安可求而得辭而已者乎夫修諸已而化諸人出平

邇而見乎遠者言行之謂也故人主所患莫甚于不知其過而所  
美莫美于好聞其過若有君于此而曰子必無過唯其言而莫之  
違斯孔子所謂其庶幾乎一言而喪國者也蓋君子之過如日月  
之蝕過也人皆見之更也人皆仰之雖曰堯舜湯武之盛必有誹  
謗之木敢諫之鼓盤杵之銘無諱之史所曰聞其邪僻而納諸正  
道其自維持如此之備故箴規之興將曰救過補闕然猶依違諷  
喻使言之者無罪聞之者足自自誠先儒既援古義舉內外之殊  
而高祖亦序六官論成敗之要義正辭約又盡善矣自虞人箴曰  
至于百官非唯規其所司誠欲人主斟酌其得失焉春秋傳曰命  
百官箴王闕則亦天子之事也尼曰爲王者膺受命之期當神器  
之運總萬機而撫四海簡羣才而審所授孜孜于得人汲汲于聞  
過雖廷爭面折猶將祈請而求焉至于箴規諫之順者曷爲獨闕  
之哉是已不量其學陋思淺因負擔之餘嘗試撰而述之不敢斥

至尊之號故曰乘輿曰篇蓋帝王之事至大而古今之變至眾文  
繁而義詭意局而辭野將欲希企前賢髮髯崇軌譬猶丘垤之望  
華岱恆星之繫日月也其不逮明矣頌曰

元元遂初芒芒太始清濁同流玄黃錯峙上下弗形尊卑靡紀赫  
胥悠哉大庭尚矣皇極肇建兩儀既分彝倫永序萬邦糾紛國事  
明王家奉嚴君各有攸尊德用不勤義農己降暨于夏殷或禪或  
傳乃質乃文太上無名下知有之仁義不存而人歸孝慈無爲無  
執何欲何思忠信之薄禮刑實滋既譽既畏已侮已欺作誓作盟  
而人始叛疑煌煌四海謫謫萬乘匪賢焉倚匪誓焉憑左輔右弼  
前疑後丞一日萬機業業兢兢夫出其言善則千里是應而其余  
違亦喪邦有徵樞機之動式曰廢興殷監不遠若之何勿徵且厚  
味腊毒豐屋生災辛作璇室而夏興瑤臺糟丘酒池象筋玉杯厥  
肴伊何龍肝豹胎惟此哲婦職爲亂階殷用喪師夏亦不恢是已



帝堯在位，茅茨不翦，周文日昃，昧旦丕顯，夫德輶如毛，而或舉之者鮮，故湯有慚德，武未盡善，叔世道衰，末俗化淺，耽樂逸遊，荒淫沈湎，不式古訓，而好是佞辯，不遵正路，而覆車是踐，成敗之效，載在先典，匪唯陵夷，厥世用殄，故曰：樹君如之何？將民是司牧，視之猶傷，而知其寒燠，故能撫之斯柔，而敦之斯睦，無遠不懷，靡思不服，夫豈厭縱一人而玩其耳目，內迷聲色，外荒馳逐，不修政事而終于顛覆？昔唐氏授舜，舜亦命禹，受終文祖，丕承天序，放桀惟湯，剋殷伊武，故禪代非一姓，社稷無常主，四嶽三塗，九州之阻，彭蠡洞庭，殷商之旅，虞夏之隆，非由尺土，而紂之百剋，卒于絕緒，故王者無親，唯在擇人，傾蓋惟舊，白首乃新，望由釣夫，伊起有莘，負鼎鼓刀而謀合，聖神口口口口口口口口口口夫豈借官左右而取介近臣？蓋有國有家者，莫云我聰，或此面從，或謂我智，聽受未易，甘言美疾，彫不爲累，由夷逃寵，遠于脫屣，奈何人主位極則侈，知人則

哲惟帝所難，唐朝既泰，四族作奸，周室既隆，而管蔡不虔，匪我二聖，孰弭斯患？若九德咸受，鵠又在官，君非臣莫治，臣非君莫安，故書美康哉，而易貴金蘭，有皇斯國，敢告納言。晉書潘尼傳又略見藝文類聚十一

燈箴序

夫水火者，所曰佐理天地，清成大化也。在天則日月麗焉，在地則水火存焉。御覽八百六十九

戴侍中銘

雅論弘博，逸藻波騰。書鈔

益州刺史楊恭侯碑

君口乾靈之醇德，挺一世之殊量，稟天然不渝之操，體蘭石芳堅之質。夫其器膺弘濟，智能周達，窮不怨否，顯不矜泰，履行則爲模楷，吐言則成隱括，德實充于內，而光華發乎外也。君發迹州國，委質明主，自景皇帝攝政，文皇帝繼業，值天下多虞，疆場未靜，自君

先帝所拔懷寶後時而深達遠識有經國之量故爲腹心謀臣而  
監度政事焉君出則簡練熊羆職司是圖入則從容諷議盡規帷  
幄其所已進可替否決疑定策者皆言效于既往而事簡于帝心  
君再臨司官三撫名郡方將宣文德自來遠建武功于所牧銘曰  
天生慈民有類有則誕育恭表應期秀特文兼六行武備七德忠  
肅弘毅柔嘉溫克機事無瑕臨疑不惑我謀既精我化既清澤流  
河朔勳著王庭西南未夷俟其是寧上天不惠早世潛靈聚文類  
五十  
給事黃門侍郎潘君碑

潘岳

君深達治體垂化三宰

文選任昉王  
文惠集序注

潘滔

滔字陽仲尼從子惠帝時爲太子洗馬散騎侍郎懷帝時東海

王越曰爲司馬轉長史遷河南尹

遣王接書

舉虞士玄仁竝謂足下應和鼎味可無曰應秀才行

晉書王接傳永嘉初舉秀

才友人蔡陽潘滔遺接書

顧榮

榮字彥先吳國吳人吳丞相雍孫仕吳爲黃門侍郎太子輔義都尉入晉拜郎中歷尚書郎太子中舍人廷尉正趙王倫篡位遷大將軍長史倫敗齊王囧召爲大司馬主簿轉中書侍郎封嘉興伯轉太子中庶子長沙王又召爲驃騎長史轉成都王穎丞相從事中郎入兼侍中惠帝西遷避亂還吳陳敏據江東召爲右將軍丹陽內史尋起兵攻敏事平復還吳懷帝徵侍中不就元帝爲安東將軍召爲軍司馬加散騎常侍永嘉六年卒妻贈侍中驃騎將軍開府儀同三司諡曰元及帝卽晉王位追封

爲公有集五卷

上安東將軍賡諫爲鄭貴嬪祈禱廢事

昔文王父子兄弟乃有三聖可謂窮理者也而文王日晏不暇食周公一沐三握髮何哉誠曰一日萬幾不可不理一言蹉跌患必及之故也當今衰季之末屬亂離之運而天子流播豺狼塞路公宜露營野次星言夙駕伏軾怒蛙日募勇士懸膽于庭日表辛苦貴嬪未安藥石實急禱祀之事誠復可修豈有便塞參佐白事斷賓客問訊今疆賊臨境流言滿國人心萬端去就紛紜願沖虛納下廣延僞彥思畫今日之要塞鬼道淫祀弘九合之勤雪天下之恥則羣生有賴開泰有期矣

晉書顧榮傳

上書言南土人士

陸士光貞正清貴金玉其質甘季思忠款盡誠膽幹殊快殷慶元質略有明規文武可施用榮族兄公讓明亮守節困不易操會稽

楊彥明謝行言皆服膺儒教足爲公望賀生沈潛青雲之士陶恭兄弟才幹雖少實事極佳凡此諸人皆南金也

晉書顧榮傳榮又言云云書奏皆納

### 與親故書

傅長虞爲司隸勁直忠果劾按驚人雖非周才偏亮可貴也

晉書傅咸

### 與楊彥明書

吾爲齊王主簿恒慮禍及見刀與繩每欲自殺但人不知耳

晉書顧榮

### 與鄉人書

士光氣息裁屬慮其性命言之傷心矣

晉書陸機傳

### 顧和

和字君孝榮族子王道爲揚州辟從事累遷司徒掾尋爲長水

校尉東海王冲主簿永昌初除司徒左曹掾太寧初王敦請爲  
主簿遷太子舍人車騎參軍護軍長史王導爲揚州請爲別駕  
遷散騎侍郎司空郗鑒請爲長史領晉陵太守咸康初拜御史  
中丞遷侍中轉吏部尚書徙領軍將軍太常卿國子祭酒康帝  
時遷尚書僕射更拜銀青光祿大夫領國子祭酒遷尚書令太  
和七年遜位拜左光祿大夫卒贈侍中司空謚曰穆有集五卷  
議祀南北郊表

太始中合二至之祀于二郊北郊之月古無明文或曰夏至或同  
用陽復漢光武正月辛未始建北郊此則與南郊同月及中興草  
擬百度從簡合北郊于一丘憲章未備權用斯禮蓋時宜也至咸  
和中議別立北郊同用正月魏承後漢正月祭天呂地配而稱周  
禮三王之郊一用夏正

宋書禮志三康帝建元元年將北郊有  
疑議太常顧和表云云于是從和議

表濟南王宜奔服

爲人後者降其所生奪天屬之性明至公之義降殺節文著于周典案濟南王統昔爲庶母居廬持重違冒禮度肆其私情宜召禮奪服

通典八十二穆帝永和  
中尚書令顧和表云云

上言拜三公不應設樂服冕

臨軒拜三公不應有樂和云禮無其文案衛宏撰漢儀拜丞相亦無樂古之燕饗有樂者曰賜賓主之歡耳今拜三公事畢于階庭禮成于拜立歡宴未交無事于樂又案六冕之服主于祭祀唯婚特用之他事未見服冕者故拜公不應服冕

通典七十一  
咸康三年

諫假保母周氏名號疏

周保祐聖躬不遺其勳第舍供給擬于戚屬恩澤所加已爲過隆若假名號記籍未見明比惟漢靈帝曰乳母趙嬈爲平氏君此末代之私恩非先代之令典且君舉必書將軌物垂則書而不法後

嗣何觀

晉書顧  
和傳



奏復冕旒舊章

舊冕十有二旒皆用玉珠今用雜珠等非禮若不能用玉可用白

琥

晉書顧和傳中興舊章多闕而冕旒飾白翡翠珊瑚及雜珠等和奏成帝下太常改之

奏劾謝尚擅殺陳幹事

尚先劾姦賊罪入甲戌赦聽自首減死而尚近表云幹包藏姦猾輒收行刑幹事狀自郡非犯軍戎不由都督案尚蒙親賢之舉荷文武之任不能爲國惜體平心聽斷內挾小憾肆其威虐遠近怪愕莫不解體尚忝外屬宥之有典至于下吏宜正刑辟

晉書顧和傳

奏禁喪服違制

禮所自軌物成教故有國家者莫不崇正明本自一其統斯人倫之紀不二之道也爲人後者降其所出奪天屬之性顯至公之義降殺節文著于周典案汝南王統爲庶母居廬服重江夏公衛崇本由疏屬開國之緒近喪所生復行重制違冒禮度肆其私情閤

聞許其過厚。談者莫已爲非。則政道陵遲。由乎禮廢。憲章積替。始  
于容違。若弗糾正。無已齊物。皆可下太常奪服。若不祇王命。應加

貶黜。

晉書顧和傳

奔喪議

案禮記。曾子問。父母之喪。既引及塗。聞君薨。如之何。穀梁傳曰。周  
人魯人各有喪。周人弔魯人不弔。周人雖有喪。遣人可也。魯人當  
親行事。故不弔也。

通典八十。康帝建元初。尚書僕射顧和議。

蘇宙

宙。趙國人。泰始末。太守曹志召爲功曹。後遷鎮東司馬。元康中。  
入爲國子博士。

移國子博士自理

郡將曹公。昔臨樊國。見接有布衣之交。高游盡歡。謂千年可畢。不  
意後會。逼爲功曹。尋被州召。不爲公察孝也。欲深其罪。崇飾虛名。

曰感明時、宙雖不德、數受教于君子、寧有故將之喪而忘奔赴之哀、過蒙殊恩、忝佐方岳、銜命守制、無因致身、禮聞父母喪、不得奔赴、爲位斂髮、成踊襲經、割孝子之心、曰終君之命、謂之禮也、往聞喪、設位盡哀、仰則先哲、俯順王度、儀型古典、不失舊物、若此爲罪、不敢逃刑、聞凶則因發健步、書弔嫡孫、健步迴說、喪已還東阿、書付其從子綜、宙尋被召爲博士、王事敦我、不皇啟處、如宙凶薄、天討其罪、孤獨無子、代之哀人也、案穀梁傳曰、周人有喪、魯人有喪、周人弔魯人不弔、魯人曰、吾君親之者也、使大夫則不可、周人喪、魯人不弔、是其下成康未爲久也、禮無臣祭君之文、時俗之所行、非先王之令典也、庶子不得祭父、臣之祭君也、求之禮傳、無弔祭之文、

賜進士出身二品銜廣東等處提刑按察使司按察使兼管驛傳事務黃岡王毓藻校刊

全晉文卷九十五終

全晉文卷九十六

烏程嚴可均校輯

陸機

機字士衡吳郡吳人大司馬抗第四子孫皓時爲牙門將吳亡十年不仕武帝末與弟雲入洛太傅楊駿辟爲祭酒惠帝卽位遷太子洗馬著作郎歷吳王晏郎中令遷尚書中兵郎轉殿中郎尋爲趙王倫相國參軍封關中侯進中書郎倫誅坐徙邊遇赦成都王穎表爲平原內史假後將軍河北大都督河橋之敗與弟雲及從弟耽竝誅有晉記四卷洛陽記一卷要覽若干卷集四十七卷

浮雲賦

有輕虛之豔象無實體之眞形原厥本初浮沈混并六律籥應八風時邁玄陰觸石甘澤霑濡勢不崇朝露彼無外集輕浮之衆采

廁五色之藻氣貫元虛于太素薄紫微而竦戾若層臺高觀層樓  
疊閣或如鍾首之鬱律乍似塞門之寥廓若靈園之列樹攢寶耀  
之炳燦金柯分玉葉散綠翹明巖英煥龍逸蛟起熊厲虎戰鸞翔  
鳳翥鴻驚鶴奮鯨鯢泝波蛟鰐衝遁若拒鬯揚芒嘉穀垂穎朱絲  
亂起羅袿失傾飛仙凌虛隨風游駛有若芙蓉羣披薜華總會車  
渠繞理馬瑙緹文口龜甲錯龍鱗蘇文類聚一北堂書鈔一百五  
十引四條初學記一御覽一又

白雲賦

覽太極之初化判玄黃于乾坤考天壤之靈變莫熾美乎慶雲繞  
蓬萊曰結曜薄崑崙而增輝攄神景于八幽合洪化乎烟燭充宇  
宙曰播象協元氣而齊勳發憤靈后擢性洪流興曜曾泉升迹融  
已盈八紘曰餘憤雖彌天其未泄豈假期于遷易邁崇朝而儵忽  
望九衢曰遠肆明皇極而永舒蔽陽光于湯谷聞天文乎帝居齊

濛荒于無極等混昧于太初翼靈鳳于蒼梧起滯龍于潢汙高騰  
永逸絡驛參差內揚球袂外襲紫霞紅蕊發而菡萏金翹援而含  
葩神收鬼化炳性違序鳥殊類而比栖獸異迹而同處蛟引翳而  
竝潛龍攀鴻而雙舉鸞舞角曰軒罷鸞企翮而延佇若夫神口耀  
精蒼雲仰浮方峙圓踊綺口口口長城曲蜿采閣相扶蜚瑤臺之  
截辭構瓊閣之離婁雄虹矯而垂天翠鳥軒而扶日北堂書鈔一  
條藝文類聚一初學記一文選鮑照升  
天行注御覽一引兩條又八引兩條  
藻帟高舒長帷虹繞文選謝惠連詠牛女  
詩注引陸機雲賦

感時賦

悲夫冬之爲氣亦何憊凜日蕭索天悠悠其彌高霧鬱鬱而四墓  
夜絲邈其難終日晚晚而易落敷曾雲之葳蕤墜零雪之揮霍寒  
冽冽而寢興風謾謾而屢作鳴枯條之泠泠飛落葉之漠漠山崆  
嶺曰含瘁川蛟虵而抱澗望八極曰臨濛普宇宙而寥廓伊天時

之方慘曷萬物之能歡魚微微曰求偶獸岳岳而相攢猿長嘯于  
林杪鳥高鳴于雲端矧余情之含瘁恆親物而增酸歷四時曰迭  
感悲此歲之已寒撫傷懷曰嗚咽望永路而汎瀾藝文類聚三初學記三御覽一

七十

結濃霜于露室凝行雨于雲根

北堂書鈔一百五十二

祖德賦

咨時文之懿祖膺降神之靈曜植九德曰弘道振風烈曰增劭彼  
劉公之矯矯固雲網之逸禽既憑形曰傲物諒傳翼而栖林伊我  
公之秀武思無幽而弗昶形鮮烈于懷霜澤溫惠乎挾纊牧希世  
之洪捷固山谷而爲量西夏坦其無塵帝命赫而大壯登具瞻于  
大階濯長纓乎天漢解我衣曰高揖正端冕而大觀載靈武于既  
曜恢時文于未煥騰絕風曰逸驚庶遐蹤于公旦藝文類聚二十

述先賦



仰先后之顯烈，懿暉祚之允輯。應遠期于已曠，昭前光于未戢。抱  
朗節以遐慕，振奇迹而峻立。在虐臣之貪禍，據西山而作違。招長  
轂于河畔，飲冀馬乎江滄。頓雲網而潛泳，揮神戈而外臨。敵國降  
而弗夷，逆無微而不禽。茂德輝其既休，元勳曜而薦舉。襲袞服于  
太階，配三台乎其所是。故其生也榮，雖萬物咸被其仁；其亡也哀，  
雖天網猶失其綱。嬰國命以逝止，亮身沒而吳亡。欽文類  
聚二十

思親賦

悲桑梓之悠曠，愧蒸嘗之弗降。指南雲以寄款，望歸風而效誠。年  
歲俄其聿暮，明星爛而將清。迴飈肅以長赴，零雪紛其下積。羨繼  
枝之在幹，悼落葉之去枝。存顧復之遺志，感明發之所懷。居辭安  
而厭苦，養引約而摧豐。忘天命之晚慕，願鞠子之速融。兄瓊芳而  
蕙茂，弟蘭發而玉暉。感瑰姿之晚就，痛慈景之先違。天步悠長，人  
道短矣。異途同歸，無早晚矣。欽文類聚二十  
切學記十七

述思賦

情易感于已，攢思難戢于未忘。嗟伊思之且爾，夫何往而不臧。駭  
中心于同氣，分戚貌于異方。寒鳥悲而饒音，衰林愁而寡色。嗟余  
情之屢傷，負大悲之無力。苟彼塗之信險，恐此日之行舛。亮相見  
之幾何，又離居而別域。觀尺景以傷悲，俯寸心而悽惻。蘇文類聚二十一

豪士賦

并序

夫立德之基有常，而建功之路不一。何則？循心以爲量者，存乎我；  
因物以成務者，繫乎彼。存夫我者，隆殺止乎其域；繫乎物者，豐約  
唯所遭遇。落葉俟微風以墮，而風之力蓋寡；孟嘗遭雍門而泣，而  
琴之感目末。何者？欲隕之葉，無所假烈風將墜之泣，不足繁哀響  
也。是故苟時啟于天，理盡于民，庸夫可目濟聖賢之功，斗筭可目  
定烈士之業。故曰：才不半古，而功已倍之；蓋得之于時勢也。歷觀  
古今，微一時之功，而居伊周之位者有矣。夫我之自我，智士猶嬰

其累物之相物。昆蟲皆有此情。夫曰自我之量。而挾非常之勲。神器暉其顯。而萬物隨其俯仰。心翫居常之安。耳飽從諛之說。豈識乎功在身外。任出才表者哉。且好榮惡辱。有生之所大期。忌盈害上。鬼神猶且不免。人主操其常柄。天下服其大節。故曰天可讎乎。而時有絃服袴戟。立于廟門之下。拔旗誓眾。奮于阡陌之上。況乎代主制命。目下財物者哉。廣樹恩不足。曰敵怨。勤興利不足。曰補害。故曰代大匠斲者。必傷其手。且夫政由甯氏。忠臣所爲慷慨。祭則寡人。人主所不久堪。是曰君黃鞅鞅。不悅公旦之舉。高平師師。側目博陸之勢。而成王不遣嫌吝于懷。宣帝若負芒刺于背。非其然者與。嗟乎。光于四表。德莫富焉。王曰叔父。親其昵焉。登帝大位。功莫厚焉。守節沒齒。忠莫至焉。而傾側顛沛。僅而自全。則伊生抱明允。呂嬰戮。文子懷忠。敬而齒劓。固其所也。因斯呂言。夫曰篤聖穆親。如彼之懿。大德至忠。如此之威。尚不能取信于人主之懷。止

謗于衆多之口。過此目往。惡覩其可。安危之理。斷可識矣。又況乎  
饗大名。目冒道家之忌。運短才而易聖哲所難者。故身危由于勢  
過。而不知去勢。目求安。禍積起于寵威。而不知辭寵。目招福。見百  
姓之謀已。則申宮警守。目崇不畜之威。懼萬民之不服。則嚴刑峻  
制。目賈傷心之怨。然後威窮乎震主。而怨行乎上下。衆心日侈。危  
機將發。而方偃仰瞻眄。謂足目今世。笑古人之未工。忘已事之已  
拙。知曩勳之可矜。暗成敗之有會。是目事窮運盡。必于顛仆。風起  
塵合。而禍至常酷也。聖人忌功名之過已。惡寵祿之踰量。蓋爲此  
也。夫惡欲之大端。賢愚所共有。而游子殉高位于生前。志士思垂  
名于身後。受生之分。唯此而已。夫蓋世之業。名其大焉。震主之勢。  
位莫盛焉。率意無違。欲其順焉。借使伊人。頗覽天道。知盡不可益。  
盈難久持。超然自引。高揖而退。則巍巍之威。仰邀前賢。洋洋之風。  
俯冠來籍。而大欲不乏于身。至樂無愆乎舊。節彌效而德彌廣。身

逾逸而名逾劬此之不爲彼之必昧然後河海之迹埋爲窮流一  
簣之壘積成山岳名編凶頑之條身厭荼毒之痛豈不謬哉故聊  
賦焉庶使百世少有寃云

文選載文類聚一  
十四晉書陸機傳

世有豪士今遭國顛沛攝窮運之歸期嘗欲通之所會苟時至而  
理盡譬摧枯與振敗因天地昌運動恆才璫而功大于是禮極上  
典服盡暉崇儀北辰曰葺宇實蘭室而桂宮撫玉衡于樞極運萬  
物乎掌中伊天道之剛健猶時至而必盛日罔中而弗昃月何盈  
而不闕襲覆車之危軌笑前乘之去穴若知險而退止趨歸蕃而  
自戢推璇璣曰長謝願萬邦而高揖託浮雲曰邁志豈咎吝之能  
集擠爲出曰自隕歎禍至于何及

文類聚  
二十四

遂志賦

并序

昔崔篆作詩曰明道述志而馮衍又作顯志賦班固作幽通賦皆  
相依倣焉張衡思立蔡邕立表張叔夏系此前世之可得言者也

全晉文卷九十六

舊唐書

五

崔氏簡而有情、顯志壯而泛濫、哀系俗而時廢、玄表雅而微素、思  
玄精練而何惠、欲麗前人而優游清典、漏幽通矣、班生彬彬切而  
不絞、哀而不怨矣、崔蔡冲虚溫敏雅人之屬也、衍抑揚頓挫怨之  
徒也、豈亦窮達異事、而聲爲情變乎、余備託作者之末、聊復用心  
焉、

武定鼎于洛汭、胡受瑞于汝墳、繇鳴鳳于百祀、啟敬仲平方震、苟  
天光之所炤、豈舜族其必陳、厭禋祀于故墟、饗輪祭于東郊、禰八  
某而松茂、舞九韶乎降神、系姜叟于海曲、表滄流、自遠震、仰前蹤  
之縣邈、豈孤人之能出、匪世祿之敢懷、傷茲堂之不構、理或睽而  
後合、道有夷而弗順、傅栖巖而神交、伊荷鼎、自自進、蕭綢繆于豐  
沛、故攀龍而先躍、陳傾覆于楚魏、亦陵霄、自自濯、伍被刑而伏劍、  
魏和戎而擁樂、披殊塗而並致、此同川而偏竭、禍無景而易逢、福  
有時而難學、惟萬物之運動、雖紛紜而相襲、隨性類、自曲成、故圓

行而方立、要信心而委命、援前修以自呈、擬遺迹于成軌、詠新曲于故聲、任窮達以遊止、亦進仕而退耕、庶斯言之不渝、抱耿介以成名、

蘇文補遺

扶興王以成命、延衰期乎天祿、

文選謝靈運張子房詩注

懷土賦

并序

余去家漸久、懷土彌篤、方思之殷、何物不感、曲街委巷、罔不興詠、水泉草木、咸足悲焉、故述斯賦、

背故都之沃衍、適新邑之丘墟、遵黃川以昇宇、被蒼林而卜居、悼孤生之已晏、恨親沒之何速、排虛房而永念、想遺塵其如玉、眇餘邈而莫覯、徒佇立其焉屬、感亡景于存物、惋隕年于拱木、悲願賔而有餘、思俯仰而自足、留茲情于江介、寄瘁貌于海曲、翫通川以悠想、撫歸塗而躑躅、伊躑躅之徒勤、慘歸途之良難、悠栖鳥于南枝、弔離禽于別山、念庭樹以悟懷、憶路草以解顏、甘堇茶于飴芷、

緯蕭艾其如蘭神何寢而不夢形何興而不言載文類聚二十六

行思賦

萊丁水之捷岸排泗川之積沙水經泗水注

行魏陽之枉渚同上

背洛浦之遙遙浮黃川之裔裔遵河曲已悠遠觀通流之所會啟石門而東縈沿汴渠其如帶託飄風之習習冒沈雲之藹藹商秋肅其發飭玄雲霈而垂陰涼氣淒其薄體零雨鬱而下淫觀川禽之遵渚看山鳥之歸林揮清波已濯羽翳綠葉而弄音行彌久而情勞塗愈近而思深羨品物已獨感悲綢繆而在心嗟逝官之永久年荏苒而歷茲越河山而託景眇四載而遠期孰歸寧之弗樂獨抱感而弗怡載文類聚二十七

思歸賦并序

余牽役京室去家四載日元康六年冬取急歸而羌虜作亂王師



外征職典中兵與聞軍政懼兵革未息尚願有違懷歸之恩憤而

成篇

魏文類聚二十七  
御覽六百三十四

節運代序四氣相推寒氣肅殺白露霑衣嗟行邁之彌留感時逝  
而懷悲絕音塵于江介託影響于洛瀕彼離思之在人恆戚戚而  
無歡悲緣情目自誘憂觸物而生端昔輟食而發憤宵假寢而興  
言羨歸鴻已矯首挹谷風而如蘭歲靡靡而薄暮心悠悠而增楚  
風霏霏而入室響泠泠而愁予既遨遊于川汜亦改駕乎山林伊  
我思之沈鬱愴感物而增深歎隨風而上逝涕承纓而下尋冀王  
事之暇豫庶歸寧之有時候涼風而警策指孟冬而為期願靈囿  
之促景恆立表曰望之

魏文類聚二十七又瞻見文選月賦注謝靈運郡里相送方山詩注

掉河洲之輕艇

御覽七百七十

別賦

伊公子之可懷悲永別之局期悼同居之無樂會不踰乎一暮經

春秋之寒暑常戚戚而不怕登九層而修觀超臨遠目相思藝文類聚

十三

歎逝賦并序

昔每聞長老追計平生同時親故或凋落已盡或僅有存者余年方四十而懿親戚屬亡多存寡昵交密友亦不半在或所曾共遊一塗同宴一室十年之外索然已盡是思哀哀可知矣乃作賦曰

伊天地之運流紛升降而相襲日望空已駿驟節循虛而警立嗟人生之短期孰長年之能執時飄忽其不再老晚晚其將及懣瓊藥之無徵恨朝霞之難挹望湯谷已金子惜此景之屢戕悲夫川閨水已成川水滔滔而日度世閨人而爲世人冉冉而行慕人何世而弗新世何人之能故野每春其必華草無朝而遺露經終古而常然率品物其如素譬日及之在條恆雖盡而弗寤雖不寤其

可悲心惻焉而自傷亮造化之若斯吾安取夫久長痛靈根之夙  
隕怨其術之多喪悼堂構之隕瘁怒城闕之丘荒親彌餘其已逝  
交何戚而不忘咨余今之方殆何視天之芒芒傷懷悽其多念成  
貌瘁而眇歔幽情發而成緒滯思叩而興端慘此世之無樂詠在  
昔而爲言居充堂而衍宇行連駕而比軒彌年時其詎幾夫何往  
而不殘或冥邈而旣盡或寥廓而僅半信松茂而柏悅嗟芝焚而  
蕙歎苟性命之弗殊豈同波而異瀾瞻前軌之旣覆知此路之良  
難啟四體而深悼懼茲形之將然毒娛情而寡方怨感目之多顏  
諒多顏之感目神何適而獲怡尋平生于響像覽前物而懷之步  
寒林已悽惻翫春翹而有思觸萬類已生悲歎同節而異時年彌  
往而念廣塗溥暮而意進親落落而日稀友靡靡而念索顧舊要  
于遺存得十一于千百樂隕心其如忘哀緣情而來宅託末契于  
後生余將老而爲客然後弭節安懷妙思天造精浮神淪忽在世

表寤大暮之同寐何於晚已怨早指彼日之方除豈茲情之足擢  
感秋華于衰木瘁零露于豐草在殷憂而弗違夫何云乎誠道將  
蹟天地之大德遺聖人之洪寶解心累于末迹聊優遊以娛老

藝文類聚

三十四

愍思賦

并序

子履抱孔懷之痛而奄復喪同生妹銜恤哀傷一載之閒而喪制  
便過故作此賦目紆慘惻之感

時方至其憊忽歲既去其晚晚樂來日之有繼傷積年之莫纂  
萬物自澄念怨伯姊之已遠尋遺塵之思長瞻日月之何短升降  
乎階除顧盼兮屏營雲承宇兮藹藹風入室兮泠泠僕從爲我悲  
孤鳥爲我悲

藝文類聚

三十四

大暮賦

并序

夫死生是失得之大者故樂其甚焉哀其淡焉使死而有知平安

知其不如生如遂無知邪又何生之足戀故極言其哀而終之曰達庶已開夫近俗云

夫何天地之遼闊而人生之不可久長日引月而並限時惟歲而俱喪諒壯歲之揮霍豈人生之可量知自壯而得老體自老而得亡觀細木而悶遲觀洪欖而念樸顧黃墟之杳杳悲下泉乎翳翳挫千乘猶一毫當何數乎智慧徒假顏于須臾指夕景而爲誓忽呼吸而不振奄神徂而形弊顧萬物而遺恨收百慮而長逝于是六親雲起姻族如林爭塗掩淚望門舉音敷幄席已悠想陳備物而虞靈仰寥廓而無見俯寂寞而無聲骸骸其不毀酒湛湛而每盈屯送客于山足伏埏道而哭之扃幽戶已大畢泝玄闕而長辭歸無塗兮往不反年彌去兮逝彌遠彌遠今日隔無塗兮曷因庭樹兮葉落墓草兮根陳藝文類聚三十四初學記十四又略見魏志文帝紀注御覽五百五十一播芳塵之馥馥文選謝朓八

幽人賦

世有幽人漁釣乎玄渚彈雲霓已辭世披宵褐而延佇是日物外  
莫得窺其奧舉世不足揚其波勁秋不能凋其葉芳春不能發其  
華超沈冥已絕緒豈世網之能加藝文類聚

應嘉賦

并序

友人有作嘉遁賦與余者作賦應之號曰應嘉云

傲世公子體逸懷遐意邈澄霄神夷靜波仰羣軌日遙企頓駿翻  
日婆娑寄沖氛于大象解心累于世羅襲三閭之奇服詠南榮之  
清歌濯下泉于浚澗泝凱風于卷阿指千秋曰厲響俟寂寞之來  
和懷前修之彷彿觀幽人之所過抱玄景曰獨寐含芳風而瀟瑟  
發蘭音曰清唱操玉懷而喻予于是昇宇中陵築室河曲軌絕千  
途而門瞻百族假妙道曰達觀考賁龜而貞卜苟形骸之可忘豈  
投簪其必谷方介丘于八阜託雲林乎一木佇鳴條曰招風聆哀

音其如玉窮覽物已盡儻將弭迹于餘足

藝文類聚  
三十六

感丘賦

泛輕舟于西川、背京室而電飛、遵伊洛之坻洧、沿黃河之曲滄、覩墟墓于山梁、託崇丘曰白綏、見兆域之藹藹、羅魁封之壘壘、于是徘徊洛涯、弭節河干、佇眄留心、慨爾遺歎、仰終古曰遠念、窮萬緒乎其端、伊人生之寄世、猶水草乎山河、應甄陶曰歲改、順通川而日過、生於迹于當已、死同宅乎一丘、翳形骸于下淪兮、飄營魄而上浮、隨陰陽曰融冶、託山原曰爲疇、妍媸混而爲一、孰云識其所修、必妙代曰遠覽兮、夫何徇乎陳區、爾乃申舟人曰遂往、橫大川而有悲、傷年命之倏忽、怨天步之不幾、雖履信而思順、曾何足目、保茲普天壤其弗免、寧吾人之所辭、願靈根之晚墜、指歲暮而爲期、

藝文類聚  
初學記十四

全晉文卷九十六

陸機

十

賜進士出身三品銜廣東等處提刑按察使司按察使兼管驛傳事務黃岡王毓藻校刊

全晉文卷九十六終



全晉文卷九十七

烏程嚴可均校輯

陸機

文賦

并序

余每觀才士之所作，竊有目得其用心，大放言遺辭，良多變矣。矧蚩好惡，可得而言？每自屬文，尤見其情，恆患意不稱物，文不逮意，蓋非知之難，能之難也。故作文賦，以述先士之盛藻，因論作文之利害所由，他日殆可謂曲盡其妙。至于操斧伐柯，雖取則不遠，若夫隨手之變，良難已辭，述蓋所能言者，具于此云。

佇中區以玄覽，頤情志于典墳。遵四時以歎逝，瞻萬物而思紛。悲落葉于勁秋，喜柔條于芳春。心懷懷以懷霜，志眇眇而臨雲。詠世德之駿烈，誦先人之清芬。遊文章之林府，嘉麗藻之彬彬。慨投篇而援筆，聊宣之乎斯文。其始也，皆收視反聽，耽思傍訊，精鶩八極。

心遊萬仞其致也情瞳矐而彌鮮物昭晰而互進傾羣言之漉漉  
漱六藝之芳潤浮天淵曰安流濯下泉而潛浸于是沈辭怫悅若  
遊魚銜鉤而出重淵之深浮藻聯翩若翰鳥纓繳而墜曾雲之峻  
收百世之闕文採千載之遺韻謝朝華于已披啟夕秀于未振翊  
古今于須臾撫四海于一瞬然後選義案部攷辭就班抱景者盛  
叩懷響者畢彈或因枝曰振葉或沿波而討源或本隱曰之顯或  
求易而得難或虎變而獸擾或龍見而鳥瀾或妥帖而易施或岨  
岨而不安磬澄心曰凝思眇眾慮而爲言籠天地于形內挫萬物  
于筆端始躑躅于燥吻終流離于濡翰理扶質曰立幹文垂條而  
結繁情情貌之不差故每變而在顏思涉樂其必笑方言哀而已  
歎或操觚曰率爾或含毫而邈然伊茲事之可樂固聖賢之所欣  
誤虛無曰責有叩寂寞而求音西縣邈于尺素吐滂沛乎寸心言  
恢之而彌廣思案之而逾深播芳蕤之馥馥發青條之森森粲風

飛而焱豎鬱雲起乎翰林體有萬殊物無一量紛紛揮霍形難爲  
狀辭程才已敘伎意司契而爲匠在有無而飽俛當幾深而不讓  
雖離方而趣員期窮形而盡相故夫今日者尚奢恆心者貴當言  
窮者無隘論達者唯曠詩緣情而綺靡賦體物而瀏亮碑披文已  
相質誄綴辭而悽愴銘博約而溫潤箴頓挫而清壯頌優遊已彬  
蔚論精微而朗暢奏平微已閒雅說燁燁而謫詎雖區分之在茲  
亦禁邪而制放要辭達而理舉故無取乎冗長其爲物也多姦其  
爲體也屢遷其會意也尚巧其遺言也貴妍暨音聲之迭代若五  
色之相宣雖逝止之無常固崎嶇而難便苟達變而識次猶閒流  
曰納泉如失機而後會恆操末已續顛謬玄黃之袂攸故澳泓而  
不解或仰逼于先條或俯侵于後章或辭害而理比或言順而義  
妨離之則雙美合之則兩傷攸殿最于錙銖定去留于毫芒苟銓  
衡之所裁固應繩其必當或文繁理富而意不指適極無兩致盡

不可益立片言而居要乃一篇之警策雖眾辭之有條必待茲而  
效績亮功多而累寡故取足而不易或藻思綺合清麗千眠炳若  
縉繡悽若繁絃必所擬之不殊乃閑合乎曩篇雖杼軸于予懷恍  
他人之我先苟傷廉而愆義亦雖愛而必捐或若發穎豎離眾絕  
致形不可逐響難爲係塊孤立而特峙非常音之所緯心牢落而  
無偶意徘徊而不能撥石韞玉而山輝水懷珠而川媚彼榛楛之  
勿蕞亦蒙榮于集翠綴下里于白雪吾亦濟夫所偉或託言于短  
韻對窮迹而孤興俯寂寞而無友仰寥廓而莫承譬偏絃之獨張  
含清唱而靡應或寄辭于痺膏徒靡言而弗華混妍蚩而成體累  
自質而爲瑕象下管之偏疾故雖應而不和或遺理已存異徒尋  
虛已逐微言寡情而鮮愛辭浮藻而不歸猶絃么而微急故雖和  
而不悲或奪故已諧合務嘈囋而妖冶徒悅目而偶俗固高聲而  
曲下腐防露與桑間又雖悲而不雅或清虛已婉約每除煩而去

濫闕大羹之遺味。同朱紱之清江。雖一唱而三歎。固既雅而不豔。  
若夫豐約之裁。俯仰之形。因宜適變。曲有微情。或言拙而喻巧。或  
理朴而辭輕。或襲故而彌新。或沿濁而更清。或覽之而必察。或听  
之而後精。譬猶舞者。赴節已投袂。歌者應絃而遣聲。是蓋輪扁所  
不得言。故亦非華說之所能精。昔辭條與文律。良余膺之所服。練  
世情之常尤。識前修之所淑。雖濬發于巧心。或受畎于拙目。彼瓊  
敷與玉藻。若中原之有菽。同囊籥之罔窮。與天地乎並育。雖紛諠  
于此世。嗟不盈于予掬。患挈斛之屢空。病昌言之難屬。故蹢躅于  
短垣。放庸音已足曲。恆遺恨已終篇。豈懷盈而自足。懼蒙塵于叩  
缶。顧取笑乎鳴玉。若夫應感之會。通塞之紀。來不可遏。去不可止。  
藏若景滅。行猶響起。方天機之駿利。夫何紛而不理。思風發于智  
臆。言泉流于脣齒。紛威蕤已馭還。唯毫素之所擬。文微微已溢目。  
音泠泠而盈耳。及其六情底滯。志往神留。兀若枯木。豁若涸流。攬

營魂已探賾。頓精爽于自求。理翳翳而愈伏。思乙乙其若抽。是已  
或竭情而多悔。或率意而寡尤。雖茲物之在我。非余力之所戮。故  
時撫空懷而自惋。吾未識夫開塞之所由。伊茲文之爲用。固衆理  
之所因。恢萬里而無閼。通億載而爲津。俯貽則于來葉。仰觀象乎  
古人。濟文武于將墜。宣風聲于不泯。塗無遠而不彌。理無微而弗  
綸。配霑潤于雲雨。象變化乎鬼神。被金石而德廣。流管絃而日新。  
文選藝文類  
聚五十六

鼓吹賦

原鼓吹之攸始。蓋稟命于黃軒。播威靈于茲樂。亮聖器而成文。騁  
逸氣而憤壯。繞煩手乎曲折。舒飄飄已遐洞。卷徘徊其如結。宮備  
衆聲。體僚君器。飾聲成文。彤音作劇。響已彤分。曲已和綴。放嘉樂  
于會通。宜萬變于觸類。適清響已定奏。期要妙于豐殺。邈拊搏之  
所管。務夏歷之爲最。及其悲唱流音。怏惶依違。含歡嚼弄。乍數乍

稀音蹠躅于脣吻若將舒而復迴鼓砰砰已輕投簫嘈嘈而微吟  
詠悲翁之流恩怨高臺之難臨願穹谷已含哀仰歸雲而落音節  
應氣已舒卷響隨風而浮沈馬頓跡而增鳴士嘖蹙而霑襟若乃  
巡郊澤戲野坰奏君馬詠南城慘巫山之遐險歎芳樹之可榮  
類聚六十八  
初學記十六

漏刻賦

偉聖人之制器妙萬物而爲基形罔隆而弗包理何遠而不之寸  
管俯而陰陽效其繩尺表仰而日月與之期玄鳥懸而八風已情  
應玉衡立而天地不能欺既窮神已盡化又設漏已攷時爾乃挈  
金壺已南羅藏幽水而北戢擬洪殺于編鍾順卑高而爲級激懸  
泉已遠射跨飛塗而遙集伏陰蟲已承波吞絃流其如挹是故來  
象神造去猶鬼幻因勢相引乘靈自薦口納曾吐文選注作水無  
口吐曾納滯咀形微獨藹之緒文選注  
作絲逝若垂天之電偕四時已合最指昏

明乎無殿籠八極于千分、度晝夜乎一簣、抱百刻已駿浮、仰胡人而利見、夫其立體也簡、而效績也誠、其假物也粗、而致用也精、積水不過一鍾、導流不過一筵、而周天者因其敏、分地者賴其平、微聽者假其察、貞觀者借其明、攷斗厯之潛慮、測日月之幽精、信揆蹟之妙術、雖無神其若靈、寤蟾蜍之棲月、識金水之相緣、北堂書

四十九載文類聚六十八文選新刻漏銘注初學記二十五御覽二

羽扇賦

昔楚襄王會于章臺之上、山西與河右諸侯在焉、大夫宋玉唐勒侍、皆操白鶴之羽、曰爲扇、諸侯掩塵尾而笑、襄王不悅、宋玉趨而進曰、敢問諸侯何笑、諸侯曰、昔者武王玄覽造扇于前、而五明安眾、庶繁于後、各有託于方圓、蓋受則于箠甫、舍茲器而不用、顧奚取于鳥羽、宋玉曰、夫創始者恆樸、而飾終者必妍、是故烹飪起于熱石、玉輅基于椎輪、安眾方而氣散、五明圓而風煩、未若茲羽之



爲麗。固體設而用鮮。彼凌霄之遊鳥。播鮮輝之情。棲隱九皋。曰鳳  
鳴游芳田而沈見。醜靈繼而造期。超長年而久聘。累懷璧于美羽。  
挫千歲乎一節。委曲體已受制。秦隻翅而爲扇。則其布嗣也。差洪  
細。秩長短。凋不返。棉不飾。發若蕭史之鳴金。籟。越若大容之羅玉。  
琯。于是鏤巨獸之。裁奇木之幹。憲靈樸于造化。審貞則而妙觀。  
移圓根于新體。因天秩平舊貫。鳥不能別其是非。人莫敢分其真。  
質。翮煽煽曰微振。風騰颺曰垂婉。妙自然已爲言。故不積而能散。  
其在于手也安。其應物也誠。其招風也利。其播氣也平。混貴賤而一。  
節。風無往而不清。發芳塵之郁烈。拂鳴弦之泠泠。斂揮汗之瘁體。  
洒毒暑之幽情。諸侯曰善。宋玉遂言曰。伊茲羽之駿敏。倡南箕之  
啟。屣垂皎曜之奕奕。含鮮風之微微。襄王仰而拊節。諸侯伏而引。  
非。皆委扇于楚庭。執鳥羽而言歸。馬唐勒而爲之辭曰。伊鮮禽之  
令羽。夫何翩翩與眇眇。性勁健已利口。每箕張而雲繞。反寒暑于

一堂之末迴八風乎六翮之杪引凝涼而響臻拂隆暑而口到驅

翳塵之鬱述流清氣之悄悄符璣空已煩輪道洞房而窈窕書妙

三十四引六條葛文類聚六十九  
列學記二十五御覽七百六十六

列仙賦

夫何列仙之玄妙超攝生乎世表因自然已爲基仰造化而問道

性冲虚已易足年緬邈其難老爾乃呼翕九陽抱一含元引新吐

故雲飲露餐蓮品物已長盼妙羣生而爲言爾其嘉會之仇息宴

遊栖則昌容弄玉洛宓江妃觀百化于神區觀天皇于紫微過大

華已息駕越流沙而來歸藝文類聚  
七十八

卽絳闕于朝霞御覽  
八

騰烟霧之霏霏文選廣絕  
交論注

陵霄賦

挾至道之玄微狹流俗之紛汙展余節已遠模風扶搖而相予削

陋跡于介丘。省游仙而投軌。凱情累日。遂濟豈時俗之云。咀判煙  
雲之騰躍。半天步而無旅。詠陵霄之飄飄。永終焉而弗悔。吳蒼嶺  
而運流。日月翻其代序。下霄房之靡迄。十良辰而復舉。陟臨臺日  
投轡步玉除而容與。裁文類聚  
七十八

織女賦

足躡刺繡之履

北堂書鈔  
百三十六

瓜賦

佳哉瓜之爲德。邈眾果而莫賢。殷仲和之消化。播滋榮于甫田。肯  
芳春日初載。近朱夏而自延。奮修系之莫莫。邁秀體之絲絲。赴廣  
武曰長蔓。繁煙接日雲連。感嘉時而促節。蒙惠露而增鮮。若乃紛  
敷雜錯。鬱悅婆娑。發彼適此。迭相經過。熙朗日曰熠熠。扇和風其  
如波。有葛藟之覃及。象椒聊之很多。發金縢于秀翹。結玉實于柔  
柯。蔽翠景曰自育。綴修葦而星羅。夫其種族類數。則有栢樓定桃。

黃軀白縛金釵密節小青大班玄體素腕狸首虎蹯東陵出于秦  
谷桂髓起于巫山五色比象殊形異端或濟貌曰表內或惠心而  
醜顏或摠文曰抱緣或被素而懷丹氣洪細而俱分體脩短而必  
圓芳郁烈其充堂味窮理而不餽德引濟于飢渴道殊流于貴賤  
若夫濯曰寒水淬曰夏凌越氣外斂溫液密凝體猶握虛離若剖  
冰

藝文類聚人十七初學記  
二十八御覽九百七十八

桑賦

并序

皇太子便坐蓋本將軍直廬也初世祖武皇帝爲中壘將軍植桑  
一株世更二代年漸三紀扶疏豐衍抑有瑰異焉

夫何佳樹之洪麗超託居乎紫庭羅萬根曰下洞矯千條而上征  
豈民衆之能植乃世武之所營故其形瑰族類體黠眾木黃中爽  
理滋榮煩縟綠葉興而盈尺崇條蔓而會尋希太極曰延峙賦承  
明而廣臨華飛鳴之流響想鳴鳥之遺音惟麻敷之有紀恆依物

已表德豈神明之所相將我皇之先識跨百世而勿翦超長年已

永植

試文類聚八十八  
御覽九百五十五

齊雅節已夙茂蒙勁風而後凋

文選鮑照行樂  
至城東橋詩注

果賦

中山之縹李

御覽九百  
六十八

鼈賦

并序

皇太子幸千鈞臺漁人獻鼈命侍臣作賦

其狀也穹脊連脅玄甲四周遁方圓于規矩徒廣肩已妨速循盈  
尺而腳斗又取具于指掌鼻嘗氣而忌脂耳無聽而受響是已栖  
居多遁出處寡便尾不副首足不運身于是從容澤畔肆志汪洋  
朝戲蘭渚夕息中塘越高波已魚逸竄洪流而潛藏咀蕙蘭之芳  
茲翳華藻之垂房

試文類聚  
九十六

總美惡而兼融播萬族乎一區

文選陶潛詠貧士詩  
注又頭陀寺碑注

薦賀循郭訥表

伏見吳興武康令賀循德量邃茂才鑒清遠服膺道素風操凝峻  
歷試二城刑政肅穆前蒸陽令郭訥風度簡曠器識朗拔通濟敏  
悟才足幹事循守下縣編名凡悴訥歸家巷棲遲有年皆出自新  
邦朝無知己居在遐外志不自營年時倏忽而邈無階緒實州黨  
恩智所爲恨恨臣等伏思臺郎所已使州州有人非徒已均分顯  
路惠及外州而已誠已庶士殊風四方異俗壅隔之害遠國益甚  
至于荆揚二州戶各數十萬今揚州無郎而荆州江南乃無一人  
爲京城職者誠非聖朝待四方之本心至于才望資品循可尚書  
郎訥可太子洗馬舍人此乃眾望所積非但企及清塗苟充方選  
也謹條資品乞蒙簡察臣等竝已凡才累授飾進被服恩澤忝豫  
朝末知良士後時而守局無言懼有蔽賢之咎是已不勝愚管謹  
冒死表聞

吳志賀循傳注引吳預晉書顧榮陸機陸雲表薦循云云晉書賀循傳著作郎陸機上疏薦循云云御覽六百

三十二作陸機  
薦賀循郭誦表

薦張暘表

伏見司徒下諫議大夫張暘除當爲豫章內史丞暘才思清敏志  
節貞厲秉心立操早有名與其年時舊比多歷郡守唯暘陵遲白  
首未齒而佐下藩遂蹈碎澣于暘名實居之爲劇前人未始有此  
愚曰爲宜解舉試曰近縣御覽二百五十三

詣吳王表

臣本吳人靖居海隅朝廷欲抽引遠人綏慰遐外故太傅所辟殿  
下東到淮南發詔曰臣爲郎中令御覽二百四十八  
相國參軍率取臺郎臣獨曰高口見取非堂

謝吳王表

殿下曰臣爲郎中命轉中兵郎復曰頗涉文學見轉爲殿中郎御覽

二百十五

與吳王表

臣曰職在中書詔命所出臣本曰筆札見知

北堂書鈔五十五引陸機集又文選任昉

王文憲集序注引末一句

禪文本草見在中書一字一蹟自可分別

王隱晉書

見原後謝齊王表

臣曰職在中書制命所出而臣本曰筆札見知慮逼迫不獲已乃

詐發內妹喪出就第雲哭泣受弔片言隻字文不關其間

御學記十一御

覽二百二十

謝平原內史表

陪臣陸機言今月九日魏郡太守遣兼丞張含齎板詔書印綬假

臣爲平原內史拜受祗竦不知所載臣機頓首頓首死罪死罪臣

本吳人出自敵國世無先臣宣力之效才非丘園耿介之秀皇澤

廣被恩濟無遠擢自羣萃累蒙榮進入朝九載歷官有六身登三



闕宮成兩宮服冕乘軒仰齒貴游振景拔迹願逸同列施重山岳  
義足灰沒遭國顛沛無節可紀雖蒙曠盪臣獨何顏俛首頓膝憂  
愧若厲而橫爲故齊王聞所見枉陷誣臣與眾人共作禪文幽執  
囹圄當爲誅始臣之微誠不負天地倉卒之際慮有逼迫乃與弟  
雲及散騎侍郎袁瑜中書侍郎馮熊尚書右丞崔基廷尉正顧榮  
汝陰太守曹武思所已獲免陰蒙避迴岐嶇自列片言隻字不關  
其閒事蹤筆跡皆可推校而一朝翻然更目爲罪菑爾之生尚不  
足云區區本懷實有可悲畏逼天威卽罪惟謹鉗口結舌不敢上  
訴所天莫大之數日經聖聽肝血之誠終不一聞所已臨難慷慨  
而不能不恨恨者惟此而已重蒙陛下愷悌之宥迴霜收電使不  
隕越復得扶老攜幼生出獄戶懷金拖紫退就散輩感恩惟咎五  
情震悼跼天躋地若無所容不悟日月之明遂垂曲照雲雨之澤  
播及朽瘁忘臣弱才身無足采哀臣零落罪有可察苟削丹書得

夷平民則塵洗天波謗絕眾口臣之始望尚未至是猥辱大命顯授符虎使春枯之條更與秋蘭垂芳陸沈之羽復與翔鴻撫翼雖安國免徒起紆青組張敞亡命坐致朱軒方臣所荷未足爲泰豈臣蒙垢含垢所宜忝竊非臣毀宗夷族所能上報喜懼參井悲慙哽結拘守常憲當便道之官不得束身奔走稽顙城闕瞻係天衢馳心輦轂臣不勝屏營延仰謹拜表曰聞

文選

### 大田議

臣聞隆名之主不改法而下治陵夷之世不易術而民怠夫商人逸而利厚農人勞而報薄道農曰利則耕夫勤節商曰法則游子

歸

藝文類聚六十五

### 晉書限斷議

三祖實終爲臣故書爲臣之事不可不如傳此實錄之謂也而名同帝王故自帝王之籍不可曰不稱紀則追王之義

初學記二十一

至洛與成都王賡

王室多故禍難薦有羊玄之乘寵凶豎專記朝政茲臣賊子。是爲比周皇甫商同惡相求共爲亂階。至今天子飄飄甚于鴛鴦。伏惟明公匡濟之舉義命方宣。元戎旣殷風威電赫。機曰驚暗文武寔施。猥蒙橫授委任外樞。輒承嚴敎董率諸軍。唯力是視。執文類聚五十九與趙王倫薦戴淵

蓋聞繁弱登御然後高墉之功顯。孤竹在肆然後降神之曲成。是曰高世之主。必假遠邇之器。蘊匱之才。思託大音之和。伏見處士廣陵戴淵年三十。字若思。清冲履道德量允塞。思理御覽作足已研幽才鑒足曰辨物安窮樂志無風塵之慕砥節立行有井渫之潔。誠東南之遺寶聖朝之奇璞也。若得託迹康衢必能結軌騏驎。曜質廊廟必能垂光璫璫。夫枯岸之民。果于輪珠潤山之客。列于貢玉。蓋明暗呈形則庸識所甄也。惟明公垂神采察不使忠允之

言曰人而廢世說自新篇注引虞預書又見晉書載若思傳御覽六百三十二

謝成都王牋

慶雲惠露止于落葉文選齊安陸王碑文注

與弟雲書九首

聽訟觀東作百丈許廊屋御覽一百八十五

門有三層高百尺魏明帝造水經敘水注穀水又東歷大夏門下故夏門也引

仁壽殿前有大方銅鏡高可五尺餘廣三尺二寸立著庭中向之

便寫人形體了了亦怪事也北堂書鈔一百三十六初學記二十五御覽七百十七

此閒有僧父欲作三都賦須其成當已覆酒甕耳晉書左思傳又御覽八百六引

世說今檢世說無

監徒武庫建始殿諸房中見有兩足猿真怪物也御覽九百十案監徒疑有誤

天淵池養山雞甚可嬉御覽九百十八

天淵池南角有果各作一株無處不有縱橫成行一果之閒輒作

一堂

御覽九百六十四

張竊爲漢使外國十八年得塗林安石牘也

御覽九百七十一又見大觀本草二十二

思苦生疾

文選文賦注

與長沙顧母書

痛心拔腦有如孔懷

與長沙夫人書

士璜亡恨一襦少便目機新襦衣與之

御覽六百九十五

賜進士出身二品銜廣東等處提刑按察使司按察使兼管驛傳事務黃岡王毓藻校刊